

مسکن شمس

سر ۱۳۰۰

والله يهدي من يشاء الى صراط مستقيم دینی ، علمی ، ادبی ، سیاسی هفته لقی مجموعه اسلامیة در اتبعون اهدکم سبیل الرشاد

صاحب و مدیر مسئول : ح . اشرف ادیب

جلد ۱-۸

۳۱ مایس ۱۳۲۸

پنجشنبه

۲۷ جمادی الاخر ۱۳۳۰

عدد ۱۵-۱۹۷

تشیانیتا

تعصب جاهلانه کیمده در ؟

حرب حاضر مناسبتی ایله ایتالیا محبی بر قسم مطبوعات اجنبیه ، « تان » غزته سی باشده اولدینی حالد ، مسلمانلرک تعصب جاهلانه دینه لرندن بحث آچشلردر . بو ، پکاسکی و بوکی حالرده علی العاده قوانینلشم بر سلاح در . یاییلان حیدودانی ، یغما کر لکی حق ، حقانیت ، قوانین وعادات موجوده ایله تبریه ایتکه موفق اولنه مادیانی ائنهاده صوک سلاح واستادگاه اولارق مسلمانلره تعصب جاهلانه اسنادینه مراجعت ایدلمشدر . زیرا شو سلاحه مراجعت ایدنلر سلاحک پک کسکین ومؤثر اولدینی پک رعنا بیلورلر . بونلر پک اعلا بیلورلرکه بر آوروپالی تقدیر حروسرست اولورسه اولسون ، تقدیر دین حقنده لاقیدولابالی وحقی متادیاً « آتیه » یعنی دینسر دین دشمنی بونورسه بولسون ینه بحث مسلمانلقدن ، اسلامیتدن آچیلدینی زمان قلبنک اک درین عمقنده ، اک خفی کوشه لرنده مسلمانلغه ، اسلامیه قارشی برکین ، بر عداوت ، بر نفرت حسنه تصادف ایدله جکدر . بو کونکی آوروپا تقدیر عالم ودانشمند ، تقدیر خرسیتیانلقدن مجرد ایتش اولسه بيله اسلامیت حقنده تماميله بی طرف اوله ماز . مطلق کنديسنده ، کندي قلب ودماغنده بر اهل صلیب اتقاضی آتاری بولنه جقدر ، « آرسلان یوره کلی ریشارد » ک صلاح الدینه قارشی بسلشم اولدینی حسیات وافکاردن بر قسمی اولسون محافظه ایتش اولاجقدر .

بو حالی بزهر کونکی مشاهداتمز ، تجربه لرمنله کور مکده ، حس ایتکمده یز . ذاتاًده باشقه درلو اولاماز . عصر لرجه دوام ایتش اولان بر تاریخک ایزلری ، اثرلری قولای قولای سیلنمز ، محو ایدله مز . اسلامیت تا بدایت ظهورندن بری قارشینه اوروپایی چیقشم بولمشدر . ابتدا شو خصومت ، شو عداوت مسلمانلرک روما ویزانس ایله اوغراشمه سنده تمرکز ایتدی . مادامکه بیرانش ، اضمحلاله وانقراضه طوغرو سورفوکنمکده اولان شو ایمپراطورلقلر صلابت اسلامیه قارشی مداومت ومقاومت ایدمه یزک محو ونابود اولدیلر ، بونلرک یرینی طوتمش اولان آوروپا حکومتلری اسلامیه قارشی عین طریق عداوت وخصومتی تعقیب ایتمه یز دوام ایتدیلر . حتی کین وعداوت اسلامیه یکدیگری ایله دائماً چارپشمقده اولان شو حکومتلرک بر زمان برلشمه لری ، اتحاد واتفاق ایتمه لری ایچون اک بیوک ، اک مؤثر عامل یرینه کچدی . اسلام ومسلمانلق نامی کلنجه بونلر کندي آرالرنده اختلاف وخصومتی اونوته رق قوای متحد لری ایله اسلامیت علیه هجوم ایتمه یز وظیفه وجدانیه قیلندن عدا ایدیورلردی . ایشته بونک ایچوندر که بر « پهرله رمیت » ک Pierre L'Ermite ، بر پاپانک پروپاغاندا لری نتیجه سنده اونجی عصرک اواخرنده بتون

تسمیه ایتدم . بونلردن ماعدا ایکی ارکک و بر قیز اولادم اولدیهده کوچککن ارتحال ایله دیلر . بر قاج سنه صوکرا روس دولتی (شهر سبز) اوزرینه عسکر کوندریوردی . جنرال ابراموف بکا : — معیتکزی آلوب سزده عسکرمنزه کیتسه کز ای اولور . تکلیفنده بولوندی .

— بدایه ده کرک والیه ، کرک سزه سویله مشدم که بن روس دولتنک خدمت ومأموریتنی قبول ایدمه م . ایسترسه کز شهر سبزک امرا واکبری تشویق ایدمه یز . شرائطکزی قبول ایله رک مصالحه یاییسنلر ، دیدم .

جنرال — ایش مصالحه درجه سنی کچدی واعلان حرب ایدیلدی . ده نیجه :

— او حالده بی معذور کورکز ، عسکرکزه قطعاً کیده مه م . جوانی ویردم . برده سمرقندیلرک بر شورش چیقارمالری احتمالنه بناء کنديمی محافظه ایچین اوچیزتفک ایله مقدارکافی فشنک ایتهدم . جنرال بوکا مساعده ایتدی . بنده معیتمی سلاحلاندیردم . ایکی کون صوکرا روس عسکری شهر سبزده متوجها حرکت ایتدی . اهالی بی تهدید ایچین عسکرکزی قرشی بولندن شهر سبزده کونده رک دییه بخارا امیرینه ده امر ویریلدی .

روسلر ، درت دفعه شهر سبزک قلعهنه هجوم ایتدکلری حالده شهری آلامادیلر . بو هجوملر ائنه سنده جنرال ابراموف خفیفجه یارالاندی . بش بیک نفردن عبارت بولونان عساکر مهاجمه دن ایکی بیک قدری ده مجروح ومقتول اولدی .

روسلر ، بوانهزام اوزهرینه اهالیدن آتی کونلک برمتارکه طلب ایتدیلر ونقض عهد ایله مه یز جکلرینه دائر سوز ویردیلر . زواللی اهالی ، بومعظم دولتنک عهدینی ثابت ظنیله تکلیفنه راضی اولدی . وقعه ده کی ایکی بیک مدافعدن بیک ، بخارا امیرینک کله جکی یولده قالمش اولان اولاد وعیالی قلعیه کتیرمک ایچین دیشاریه چیقدی . روسلر ، قلعده کی قوتک آزالدینی کورونجه کیجه یاریسی بر هجوم یاپدیلر . قلعده کی بیک کشی مردانه دوکوشه رک مهاجملری اولا بوسکور تیدیلر سده مؤخر آقانیجیجه سنه شهری آلمالرینه مانع اولامادیلر . شهر سبز امراسی اوچ بوز کشی ایله کوهستان بولندن قته غنه قاجدی . روس جنرالی ده بلده یز بخارا مأمورلرینه تسلیم ایله دکدن صوکرا عودت ایله دی .

سمرقنده ورودنده زیارتسه کیتدم . خفیفجه یارالی ایدی . بکا آلتون برانفیه قوطوسی ایله چفته برتفک وبویوک بردورین ویره جک اولدی . حالبوکه بونلر شهر سبزدن آلدقلمری غنائمدن ایدی . قبول ایتهدم و: — بزم دینزده مسلمانلردن یغما ایدیان برمالک قبولی جائز دکدر . دییه رک کوسته ردکلری عهد شکنلکه جانم صیقیلدینی جهته سوزی قیصه کسوب قالدقم .

مابعدی وار
مترجمی
طاہر المولوی

شمدی صوریورز: عجبا بتون کره ارضه بر حکومت خرسیانیه بولنورمی که کندی ایچنه اسلام حکومتی طرفندن رسماً کوندربلن ورسماً حمایه ایدیلن بر اسلام پروپاگاندا هیئت قبول ایتسون؟ کیدکزده تجربه ایدیکز ۱؟ بوکون بر اجنبی اسلام قالقوبده روسیه، الجزایر، تونس، هندستان، مصره و سائر بلاد اسلامییه کیتدیکی حالد اطفافی بر آلائی پولیس مأمورلری، خفیه لرحاطه ایدیور. اوافق بر شهبه اوزرینه همان حدود خارجه آتلیور، معانده اشکنجه لره، عقوباته دوچار اولیور. هله بر فکر دینی ایچون کلش اولدینی آکلاشیلیرسه استخلاص کریبان ایتهمسی بیه قابل اولاماز.

حالبوکه بزده کوزمن اوکنده یوزلرجه خرسیان پروپاگاندا هیئتلری، بیکلرجه مکتبلرنده، معبدکاهلرنده اجرای دعوت، پروپاگاندا ایدیورلر. بتون مغویاتمزی ستون قوتلری ایله بوزمه بیدل مساعی ایدیورلر. مکتبلرده اسلام جوجقلری خرسیان آیینک اجراسنه مجبور ایدیورلر. احکام شرعیه اسلامییه، علم حال، السنه اسلامییه اصلا تعلیم و تدریس ایدیلور! بز بونلرک هپسنه قاتلانلیورز، صبروتحمل ایدیورز. و یالکز شمدی دکل، قوی، محتشم، آوروپائی اوکمزده تترتدیکمز زمانلرده ایدیوردک. زیرادین اسلام فطری، طبعی، عقلی و منطقی بر دین اولدینی ایچون هیچ برشیدن قورقیور، محتوی اولدینی حقایقه کووه نیوروبناء علیه باشقه دینلر حقنده، باشقه آیینلر حقنده خصومت، عداوت بسله مکه اصلا لزوم کورمیور.

تبعه خرسیانییه کلنجه آوروپا حکوماتنک تحت اداره سنده بولنان اسلاملرک حاللری ایله حکومات اسلامییه نک تحت اداره سنده بولنان خرسیانلرک احوالی مقابله ایدلکده آوروپانک قیزارمه سی، محجوب اولمه سی، یرلرک آلتنه کیرمه سی لازمدر. زیرا تبعه اسلامییه نک هر نوع حقوق مدنی و سیاسی دن محروم اولدیلر حالد خلافت معظمه اسلامییه ایچنده خرسیانلرک حقوق مدنی و سیاسی جه اسلاملردن اصلا فرقلری یوقدر. بوکون انکلتزه، فرانسه، آلمانیا پارلامنتولرنده نمونه ایچون اولسون بر دانه اسلام مبعوثی، دائره رسمیه لرنده بر دانه اسلام مأموری بولنمه دینی حالد عثمانلی مجلس مبعوثانی واعیانی ایچنده بتون اقوام خرسیانییه نک عدد نفوسی نسبتنده مبعوثلری واعیانی بولنمله برابر هیئت وکلا، دوائر رسمیه دده بر جوق خرسیان بولندینی معلومدر. بوندن ماعدا، حکومات خرسیانییه تحت اداره سنده بولنان مسلمانلر هیچ بر یرده تشکیلات خصوصیه مالک اولدیلر ائشاده ممالک اسلامییه تبعه غیر مسلمه تشکیلات خصوصیه مالک و آیری آیری جماعات تشکیل ایدلرک کندیلرینه مخصوص امور دینی و معارفده تمامیه مستقل و بختیاردرلر! بوده تا اوتندن بری اسلامیته بشریته بخش ایتش اولدینی بر فضیلت، بر نعمت نتیجه سی در. بو نقطه یی داها مفصل تدقیق ایتک ایسته یلر کندیس خرسیان دینه منسوب اولان جرجی زیداندک «مدنیت اسلامییه» اثرینه مهاجعت ایتسونلر. هیچ بر زمان و هیچ بر خرسیان

آوروپائی متحداً اسلامیته قارشی یورومکده اولدینی کوریورز. تاریخده «حروب صلیب» نامیه مشهور اولان شو دور تعصب تام اوج یوز الی سنه امتداد ایدیور. بالنتیجه آوروپا مغلوب اولیور. لاکن یوروللیور، بیقیمور، حس کین و عداوت دائماً قلبی صیزلاتیور، یاقیور. استانبولک مسلمانلر طرفندن فتعی بتون آوروپاده جانکذار برصدای نفرین و فریاد ایله قارشیلانیور. بتون آوروپا شو حادثه نک انتقامی آلمه یی کندیس ایچون بروطفه دینه عد ایدیور. ایشته اوکوندن بوکونه کلنجه قدر اسلامیته پیشدارلق و علمدارلق وظیفه لری اوزرلرینه آلمش اولان عثمانلر آوروپا هجوماتی دفع ایتهمه صرف همت و دقت ایتک مجبوریتنده درلر. البته که بیک سنه دن بری دوام ایتکده اولان شو قدر اوزون بر تاریخ کین و خصومت قولای قولای اونودولماز. بوکون بیه دیجه اک لا قید، اک لا ابالی اولان و علمجه اک یوکسک مقاملری احراز ایتش اولان ذواتک قلب و دماغلرینک مخفی گوشه لرنده «پیه رله ریمیت» لر کیزلنشدلر؛ مساعد زمانلر ائشاندن شوقاب و دماغلر قورجالانیرکن «پیه رله ریمیت» لر اویانیور، کندیلرینی کوستریور.

بز شو مدعیاتمزی اثبات ایچون آوروپا ادبیاتندن، اک مشهور علمانک آثارندن و حتی بتون آوروپایه دینسز و خرسیانلرک دشمنی طائمش ذواتک تألیفاتندن بر جوق دلیللر ایراد ایده بیلیردک؛ فقط مقاله مزک جمعی بوکی تفصیلاته مساعد اولمادیغندن بزکندی محیطمزد، هر کسجه مشاهده و تحقیق ایدیله بیه جک بر قاج دلائل ایله اکتفا ایده جکز:

بوکون هیچ بر آوروپا ملتی یوقدر که عثمانلیق ایچنده متعدد و مختلف دینی پروپاگاندا هیئتلرینه Mission religieuse مالک اولماسون. شو هیئتلری حکومات مذکوره بورایه رسماً کوندیریورلر، رسماً اعاشه ایدیورلر، ورسماً حمایه ایدیورلر. بونک ایچون حتی بودجه لرنده خصوصی تخصیصاتلر تعیین ایدیلور. حتی قاتولیک دینی کندی ایچنده رسماً فسوخ ایتش و جزویت طریقه منسوب اولان رهبانی فرانسه دن نفی ایتش اولان فرانسزلر هر کسدن زیاده ممالک عثمانیه پروپاگاندا هیئتلری کوندیریورلر، هر کسدن زیاده جزویتلر ایچون پاره صرف ایدیورلر. کندیلری ایچون روا کورمه دیکلری متاعی بزم ایچون بول بول صرف ایدیورلر!! ایکی اجنبی قونسولوسی طرفندن نشر ایدلش اولان «سوریه ده، ارض فلسطینه و شرقده حکوماتک وضعیتی» نام اثر مهمده شو پروپاگاندا هیئتلری و آنلرک فعالیت حقنده ویرلش اولان معلوماتدن آکلاشیلور که الیوم ممالک عثمانیه ده الی یی متجاوز پروپاگاندا هیئتلری اجرای فعالیت ایدیورلر. بونلره منسوب رهبان و کشیشلرک عددی بر قاج بیکه بالغدر. تأسیس ایتش اولدیلر مکتبه کلنجه بش بیک متجاوزدر. شو مکتبلرده تعلیم و تدریس ایدیلن اطفالک مقداری ایسه یوزبیکلره واریور، که بومقداردن یوزده الیسی اسلام اولادیدر.

کنج و متفکرینک قانلری بهاسنه آلدینی مشروطیتی روسیه وانکلتره
چوق کوره رک محمد علی بی تحریک و تشویق ایله ایران ملت مجلسنی
آکا طوپه طوتدیروب وکلای ملتک برقسمنی قلیچدن کچیره رک
برقسمنی ده چیل یاوروسی کبی طاغندیلر . ایران مشروطیت
پرورلری تکرار وار قوتی بازویه ووروب ملی براردو تنظیم وتشکیل ایله
طهران اوزرینه یورویوب محمد علی بی خلع ایتدکدن صکره حکومت
مشروطه و ملیه نک یکیدن تشکیانه موفق اولنجه روسیه حکومتی
انواع فتنه وفساد ایله ایرانک کندی عشایری ، اوز اولادینی قیام
وعصیان تحریک ایله ایران حکومتته انواع مشکلات واقسام فلاکتلری
حاضرله دی .

برایندن ایرانک جهت شمالیه سنده بولنان رحیم خانی ، ترکمنلری ،
شاهسونلری ، جنوبنده کاش قشقائی ، ایل عرب وسائر قبائل وعشایری
آیاقلندیرمغه سعی وغیرت ایتدکدن ماعدا ، دیگر طرفدن محمد علی بی
شعاع السلطنه بی ، ارشدالدوله وسالارالدوله ایله مجمل السلطانی ایرانک
علینیه سل سیف عصیان و رفع لوای طغیان ایتمه روسیه حکومتی
کرکی کبی چالیشدی . ایرانک امور مالیه سنی اصلاحه غیرت ایدن
صنیع الدوله بی کندی تبعه سینه اولدیرتوب ، آمریقادن جلب ایدیلان
مالیه مشاورلری ده قوغدیردی .

بالاخره برایی اولتیماتوم ونوطه ایله مطالبی ایران حکومت ضعیفه
ومغلوبه سینه قهر و تزویر خائنه ایله قبول ایتدیرمه رک قوجه آذربایجانک
اشغالیه یوزلرجه وطنپرورانی ، علمای کرام وسادات عظامی جلادانه
برصورتده ایرانیلرک ماتمی برکوننده - محرمک اوننده - دار آغاچه
چکوب زوالی آدملرک حیاتلرینه خاتمه ویردی .

بوقدرله ده اکتفا ایتیموب اک صکره عموم مسلمانلر عندنده مقدس
ومحترم اولان سکزنجی امام (علی بن موسی الرضا) حضرتلرینک
مشهدده کی مرقد مبارک کنی ده - که عموم مسلمانلرک زیارتگاهنی تشکیل
ایدیور - طوپه طوتوب ، سنین وفیره دن برو مسلمانلر طرفندن
اورایه ندورات وهدایا قیلندن اوله رق تقدیم قلنان آثار نادره وکرانها
ایله کتب نفیسه بی اله کچوروب پترسبورغه کوندره رک ، کندی
موزه سنک تزیننه خدمت ایتمشدر .

ترقی وتعالی شهرانه طوغری ایلرولمکده اولان دولت عالیة عثمانیه بی
کل یوم چشیدچشید مشکلات داخیه وخارجیه احداثیه بوتون عناصر
عثمانیه آرمه سنده نفاق وشقاق تخمیلرینی صاچه رق کاه آرناوودلری کاه
ینیللری قیام وعصیان تحریک ایله حکومتی کندی امور داخلیه سیله
مشغول ایدوب ترقی دن آلیقویدیلر .

اک صکره بونلردن ده بر فائده کوره مینجه ایتالیا حکومتی طرابلس
غرب وبنغازی بی ضبط وتملک سوق ایلیدیلر .

اوروپا بونی یامقده ، بویله طاوورامقده کندی نقطه نظرندن
معذور وحقی ایدی . چونکه عالم اسلامیتده کورونمکه باشلایان
نور هدایت وانتباه مسلمانلری سیر سریع فوق العاده ایله سمت

حکومتک تحت اداره سنده تبعه خرسیتانه ، خلافت اسلامیه
دائره سنده نائل اولمش بولندقلری حقوق وامتیازاته مالک اولمه مشلردر .
اکر بوکون عثمانی تبعه خرسیتانیه سنک حالی مثلاً روسیه و آلمانیه کی
خرسیتان لهرک حالی ایله مقابله ایدیایرسه شرف و فضیلتک هانکی
طرفده اولدینی آکلاشیلیر !

« تان » و امثالی غرتلر وحشتدن و تعصبدن دم اورمه سونلر .
بوکون بتون بشریت آوروپانک ظلم وتعدیسی آلتیده ایکله یور ،
ازیلیور . آوروپا رهبانلرینک ، داعیلرینک ، دینی پروپاغاندیستلرینک
شرقه صوقق استه دکلری انجیل وتورات آرقه سنده دائم ، خونریز
خنجرلر ، یاقیچی آتشلر صاقلایلیور . باری اوتانه جق یرده ، ادعای
فضیلت ایتمه سونلر !

احمد آغایف

هلال و صلیب

یاخود

اسلام ونصرانیت

اوروپا مدنیشدکجه اقوام آسیاییه ایله اسلام علیهنده کی کین
وعداوتلری آرتیور . حکومت اسلامیه نک تحدید وتقسیمینی
اوروپالیلر بروظیفه دینی و وجدانی عد ایدرک ممالک اسلامیه نک
سیاسة ، اقتصاداً کندی نفوذ وتغلبلری آلتیه کیرمسی ایچون چالیشمقدن
بر آن خالی قالماملشدر . اوتوز سنه دن برو عالم نصرانیت هر وسیله ایله فرصت
دوشدکجه حکومت اسلامیه بی ضرر وزیانہ صوققنی ، ثروتلری ،
ماللری ، استقلاللری اللرندن غصب ایتکی عادت ایدمشدر . برلین
قونفره سی ، لوندره و استانبول قونفرانسلری صرف مسلمانلرک
تنکیلی ایچون قورولمش بر آغدن بشقه برشی دکلدرد .

قوجه بردنیانک ربغنی تشکیل ایدن هندستانی ، جزایر وتونسی ،
مصری ، خیوه وترکستانی ، آفریقانک اک بویوک اراضی سنی ضبط
واستیلا ایدن انکلتره ، فرانسه ، روسیه ، آلمانیا وسائر دول مسیحیه بوقدرله
قناعت ایتیموب اک صوکره (ایران) ایله (فاس) قطعات اسلامیه سنک ده
غصب وتسخرینه قرار ویره رک بو خصوصده هر درلو انتریقه بی
چویروب متعدد فساد طولابلرینی قوردیلر .

عثمانی - یونان محاربه بی نتیجه سنده دولت علیه طرفندن قلیج
ومظفریت حق اولان اراضی بی تملک ایتمه « صلیبک کیردیکی یره
هلال کیره من » قضیه سوفسطاییه وغیر منطقیه سی ایله ممانعت کوستردیلر .
یکیدن خواب کران غفلتدن هنوز او یانمغه باشلایوبده اوروپانک
مشروطیت اداره طرزینی قبول ایدن دولت عثمانیه و ایران حکومتته
قارشو درلودرلو مشکلات ایقاع ایله بلغارستانک کسب استقلال ایلمسه ،
بوسنه وهرسکک اوستریا اداره سینه ضم والحاقه ، کریدک مختار و ممتاز
بر حکومت ملیة مسیحیه شکلنه کیرمسه کوز کوره یاردم ایتدیلر .
بیچاره ایران ، بونجه فدا کارقلر نتیجه سنده بیکلرجه دکرلی